

# Disciples' Network

Luka 10:19

Jarida la kila Mwezi

Toleo 014 - Oktoba, 2023

## UTANGULIZI

Warumi 8:37

Lakini katika mambo hayo yote tunashinda, na zaidi ya kushinda, kwa yeye aliyetupenda.

Bwana Yesu apewe sifa!

Tunamshukuru Mungu ametuwezesha kushinda kwa kishindo, ndani ya mwezi Oktoba ambao ulikuwa ni mwezi wa ushindi wa vita vya kiroho na kimwili. Kwa msaada wa BWANA, tumeweza kuwahudumia watu wengi kiroho, kimwili, na kiakili ndani na nje ya Tanzania. Bila kuchoka wala kuzimia moyo, tumefanya maombi, maombezi, kutoa ushauri na misaada mbalimbali pale ilipohitajika, kwa wote wenye uhitaji. Kuwezekana kwa haya yote ni kwa sababu BWANA yuko upande wetu, kutupigania na kutushindia (Warumi 8:37).



## MAHUDHURIO

Idadi ya waliohudhuria ibada zetu mwezi Oktoba 2023 ni kama ifuatavyo:-

	Arusha	DSM	Mwanza
Wanawake	50	883	169
Wanaume	8	281	24
Watoto		98	9
Google Meet	3060		
YouTube	5773		
Facebook	947		
Online Radio	9559		

Jumla ya waliofikiwa na ibada zetu kwa mwezi Oktoba ni 5,740.

## WAONGOFU WAPYA

Kwa neema ya Bwana Yesu, watu 11 walimpa Yesu maisha yao ndani ya mwezi wa 10 mwaka 2023. Sifa na utukufu apewe BWANA. Sambamba na hilo, tumefanikiwa kuwa na Darasa la waongofu wapya linalofanyika kila Jumamosi kuanzia saa tano kamili asubuhi.

## MATUKIO

### (a) Ushuhuda

BWANA amejidhihirisha kwa matendo makuu na ya ajabu aliyoyatenda kwa watu wake ndani ya mwezi Oktoba. Tumeona shuhuda nyingi kubwa na za kusisimua za mambo ambayo BWANA ametenda kwenye maisha ya watu ndani na nje ya nchi. Hapa chini ni baadhi tu ya shuhuda zilizotumwa kwenye makundi yetu ya whatsapp na nyingine kutolewa kwenye ibada za fellowship.

### (i) Miaka tisa ya maisha magumu bila kazi

Kutana na Piensia, aliyeishi maisha magumu bila kuwa na kazi tangu alipohitimu chuo kikuu mwaka 2014. Dada huyu alikuwa ni mtu wa kukataliwa, asiye na kibali popote pale alipokwenda kiasi kwamba hakuajiriwa zaidi ya kuishia kufanya kazi za kujitolea tu. Pamoja na kujitolea na kufanya kazi kwa bidii na uwezo mkubwa kikazi hakukubalika wala kuajiriwa huku wengine waliokuwa wa kawaida kuliko yeye walikuwa wanaajiriwa. Tunamtukuza Mungu kwa uaminifu wake kwani dada huyu baada ya kushiriki mifungo na maombi ya ufungulivu, aliwekwa huru. Baada ya hapo neema na kibali kisicho cha kawaida vilimfuata na amepata kazi nzuri yenye mshahara mkubwa. kwa sasa dada huyu anayashuhudia matendo makuu ya Mungu kwa yale aliyoyatenda maishani mwake. Kujifunza zaidi kupitia ushuhuda huu tafadhali tembelea YouTube page ya Disciples Network; Ibada ya tarehe 28/10/2023

### (ii) Kuponywa saratani ya matiti, kuinuliwa na kubarikiwa

Oliva, mama mjane aliyeugua saratani ya matiti kwa muda mrefu. Alidhoofika sana afya yake kiasi kwamba wengi walidhani kwamba angefariki muda wowote. Zaidi alikuwa na hali ngumu sana kiuchumi na kimaisha mpaka mjane huyu alipoteza tumaini kabisa. Kutokana na hali yake hiyo ndugu zake na hata marafiki zake wa karibu walimtenga na kumtelekeza lakini Yesu aliye mfariji wa ajabu alikuwa karibu naye kwa kumwinulia watumishi wa Disciples Network ambao walimsaidia na kumwomba kwa mzigo mkubwa. Kubwa zaidi, Yesu aliudhihirisha uweza wake kwa kumponya kabisa ile saratani ya ziwa. Zaidi sana, mama huyu amefunguliwa vifungo vingine vilivyokuwa vimemfunga ikiwemo uchumi na kibali. Kwa sasa mjane huyu amebarikiwa, ameinuliwa na ana amani na furaha katika Kristo Yesu. Kujifunza zaidi kupitia ushuhuda huu tafadhali tembelea YouTube page ya Disciples Network; Ibada ya tarehe 28/10/2023

## b. Ubatizo wa maji mengi



Sawasawa na agizo alilotuachia Yesu katika Mathayo 28:19 la kwenda kuwafanya mataifa kuwa wanafunzi wake na kuwabatiza, tulifanya huduma ya ubatizo wa maji mengi 01/10/2023. Ubatizo huu ulifanyika Dar es Salaam na Mwanza kwa siku hiyo ambapo jumla ya watu 38 wakiwemo wanawake 30 na wanaume 8 walibatizwa kwa Dar es salaam na Mwanza. Kwa Dar es Salaam walikuwa watu 27 (wanawake 20 na wanaume 7) na kwa Mwanza walikuwa watu 11 (wanawake 10 na mwanaume mmoja). Tunamtukuza BWANA Yesu kwa ishara na miujiza iliyotendeka kwa nguvu na uweza wa Roho Mtakatifu, kwani watu walifunguliwa, walipoywa na kujazwa Roho Mtakatifu.



## (c) Movie Night for Singles in the wait

Tarehe 01/10/2023 na tarehe 29/10/2023 vijana wa kiume na mabinti wamekuwa na usiku mzuri sana wa sinema uliojulikana kama Movie Night for singles in the wait. Jumla ya vijana 45 walihudhuria kwenye onyesho hilo tarehe 01/10/2023 huku vijana 41 wakihudhuria tarehe 29/10/2023. Jumla ya sinema 4 zilioneshwa.



Sinema hizo ni I'M IN LOVE WITH A CHURCH GIRL, I STILL BELIEVE, MIRACLES FROM HEAVEN na TWELVE FORTY FIVE Vijana walijifunza mambo makuu matatu; kwanza, walijifunza nguvu ya badi-liko ya kumbadilisha mtu. Pili umuhimu wa imani na subira katika mahusiano kabla ya kuingia kwenye ndoa tatu uaminifu wa Roho Mtakatifu kwenye kumfunulia mtu siri za rohoni. Zaidi sana, vijana waliweza kufahamiana na kushirikishana mawazo mbalimbali yenye mlengo wa kimaisha na kiroho kwa utukufu wa Mungu.



## (d) Maombi ya kuvunja muunganiko wa nafsi (Soul ties)

Ndani ya mwezi Oktoba kulikuwa na mifungo miwili ya maombi ya kuvunja miunganiko ya nafsi (soul ties). Maombi haya yalifanyika 5/10/2023 hadi 11/10/2023 kwa mabinti na kwa vijana wa kiume maombi yalifanyika 25/10/2023 hadi 29/10/2023. Tunamtukuza BWANA kwa utendaji wake kupitia maombi haya kwani wote walioshiriki haya maombi kikamilifu wamefunguliwa vifungo mbalimbali vinavyotokana na miunganiko ya nafsi. Wengine waliweza kupata nafasi ya kutubu kwa dhambi walizowahi kufanya huko nyuma. Zaidi sana uamsho wa kiroho umeibuka ndani ya vijana na mabinti hawa kupitia maombi haya. Tunamtukuza MUNGU maana maombi haya yamewavutia pia watu wazima na wanandoa na wengi wameyafanya na kufunguliwa.

## (e) Mechi ya kirafiki kati ya Disciples Network team na Seed of Faith team.



Kwa neema ya BWANA Yesu tulikuwa na mchezo wa kirafiki wa mpira wa miguu kati ya timu yetu ya Disciples' Network na Seed of Faith tarehe 08/10/2023. Mechi hii ilikuwa fursa ya kutukutaniisha sisi na ndugu zetu katika KRISTO ili kutuweka pamoja (Zaburi 133:1) ili tuweze kushirikiana kumvunia BWANA nafsi kwa kuwafanya mataifa kuwa wanafunzi wa Yesu Kristo. Zaidi sana, mechi hii ilikuwa fursa ya sisi kuwakaribia wanajamii kwa ukaribu zaidi ili kupenyeza injili kwao kwa urahisi. Tunamshukuru Mungu kwa jambo hili kwani lilikuwa la Baraka kwa wengi na lilimpa BWANA sifa na utukufu.



Disciples' Network

### (f) Disciples Youth Picnic




Tulifanikiwa kuwa na ziara ya Burudani mahususi kwa vijana wa kiume na mabinti ambayo ilijulikana kama Youth Picnic. Ziara hii ilifanyika tarehe 15/10/2023 Bagamoyo, eneo lenye mandhari nzuri. Jumla ya vijana 85 walihudhuria kwenye ziara hii. Kulikuwepo na matukio mbalimbali ya baraka kama vile michezo na burudani, mashindano ya kusoma biblia, kutembelea sehemu za kihistoria na ufukwe wa bahari wa Bagamoyo. Kupitia ziara hii, vijana walinufaika sana kimwili na kiroho kwani waliburudika kwa burudani mbalimbali zilizotolewa. Zaidi sana walijengeka kiroho na kiufahamu kwa kupata maarifa mbalimbali kupitia yale yaliyoonekana na kufanyika kule.



### (g) Kuwatembelea wagonjwa hospitali ya Ocean Road

Sawa na Yakobo 1:27 tunamshukuru BWANA kwa kutuwezesha kuwatembelea na kuwafariji wagonjwa na wenye mahitaji katika Hospital ya Ocean Road kama moja ya majukumu yetu ya kiuanafunzi (Discipleship). Katika kufanya hivyo wagonjwa walifarajika na kutiwa moyo sana na wamepokea kwa Moyo wa Shukrani mno maombi na sadaka zinazotolewa na wewe. Ubarikiwe Sana wewe unayeendelea kuomba na kugusa wahitaji. Tuna kuomba Bwana YESU akuzidishie mibaraka.



## MAFANIKIO

Tunamshukuru **MUNGU** kwa neema yake tumefanikiwa kwenye maeneo yafuatayo

Tumefanikiwa kuanzisha programu maalumu ya redio yetu ya Dfm ambayo inalenga kurusha vipindi mbalimbali vya redio kwa wiki.

Kurusha ibada zote za fellowship Mubashara kupitia Facebook, Youtube na Online radio ambapo kabla ya hapo ni ibada za jumamosi na mkeshi pekee ndio zilikuwa zinaruka mubashara.

Kuwafikia watu wengi zaidi waliopo nje ya nchi na Ughaibuni (Diaspora) kihuduma.

Kuanzisha Darasa la waongofu wapya linalofanyika kila Jumamosi kuanzia saa tano kamili asubuhi hadi saa sita kamili mchana.

Kutoa huduma ya maombezi na ushauri ana kwa ana na kwa njia ya simu kwa watu waliopo Dar es salaam na mikoa mbalimbali. Hii ni pamoja na kupokea simu za watu walioko ndani ya Dar-es-Salaam na mikoani wenye uhitaji wa kihuduma kama vile ushauri, maombi na maarifa ya neno la Mungu.



## MAMBO YAJAYO

Tumehimizwa kuomba bila kukoma (1 Wathesalonike 5:16-18) hivyo basi tunaomba maombi yako kwa ajili ya mambo yafuatayo:

- Darasa maalumu la Uanafunzi (Discipleship) linalotarajiwa kufanyika mwezi wa 11
- Semina na watoto waliohitimu darasa la saba 12/11/2023
- Ombea wahitaji wa huduma za kiroho wafunguliwe
- Maandalizi ya kambi ya watoto inayotarajiwa kufanyika mwezi wa 12.
- Ombea huduma ya Disciples Network Mwanza, Arusha na Dar es Salaam. Pia ombea watumishi na watenda kazi wote.

## RATIBA YA VIPINDI VYA REDIO KWA WIKI

SIKU	MUDA	KIPINDI
Jumatatu	11:00-11:30 Alfajiri	Morning Light
	06:00 Mchana	Maombi
	12:00 jioni-02:00 Usiku	Wanawake
Jumanne		Morning Light
	06:00 Mchana	Maombi
	12:00 jioni-02:00 Usiku	Vijana
Jumatano	11:00-11:30 Alfajiri	
	06:00 Mchana	Maombi
	11:00 jioni-02:00 Usiku	Ibada live
Alhamisi	11:00-11:30 Alfajiri	Morning Light
	06:00 Mchana	Maombi
	12:00 jioni-02:00 Usiku	Discipleship
Ijumaa	11:00-11:30 Alfajiri	Morning Light
	06:00 Mchana	Maombi
	11:00 jioni-02:00 Usiku	Shuhuda
	05:00 usiku-07:00 usiku	Mkeshi live
Jumamosi	07:00 mchana- 12:00 jioni	Ibada live

## MAWASILIANO

Dar es salaam  
+255 755 999 198 / +255 687 222 197

Mwanza  
+255 753 853 493

Arusha  
+255 717 108 306



DISCIPLES' NETWORK



DNETWORK



DISCIPLESNETWORK



DISCIPLES' NETWORK